

## Script Of Morning Gojri News Bulletin 01 April 2024 at 1015Hrs

ما رنینگ گو جری نیو ز بلیٹن مو رخہ 01 اپریل 2024

<><><><><><><><><><>

یوہ آکا شوانی جموں بے انور چودھری تیں خبر سُنو۔

### BJP MP

وزیراعظم نریندرمو دی نے گذشتہ روز اُتر پردیش میرٹھ توں بھارتیہ جنتا پارٹی غا سال 2024 غا لوک سبھا چناواں واسطے اپنا پرچار غو آغاز کیو۔ اک عوامی جلسہ نال خطاب کرتاں واں جناب نریندرمو دی نے کہیو کہ سال 2024 غا چناؤ نہ صرف سرکار بنان واسطے ویں گا بلکہ بھارت نانہہ اک ترقی یافتہ ملک اور دُنیا غی سب توں طاقتور اقتصادی طاقت بنان واسطے ویں گا۔ اُن نے کہیو کہ جد بھارت 11 ویں اقتصادی طاقت بنیو تاں اُس وقت بھارت مانہہ غربت پنپ رہی تھی۔ اور جد بھارت 5 ویں اقتصادی طاقت بنیو تاں 25 کروڑ لوکاں نانہہ غربت توں نجات دلائی گئی۔ اُن نے کہیو کہ وے ملک نانہہ رشوت رشوت ستانی توں آزاد کرن واسطے اک جنگ لڑھ رہیا ہیں۔ واضع رہے کہ میرٹھ توں بھارتیہ جنتا پارٹی نے ٹیلیویژن ڈرامہ رامائین غا مشہور اداکار ارون گوول نانہہ لوک سبھا نشست اسطے امید وار نامزد کیو ہے۔ اس موقع وراشٹریہ لوک دل صدر جینت چودھری تے کئی بھارتیہ جنتا پارٹی غا لیڈروں موجود تھیا۔

<><><><><><><><><><>

### Key Constituency JK

جموں کشمیر مرکزی انتظام آلو علاقو جغرافیائی لحاظ نال 2 حصاں مانہہ منقسم ہے یہ دو حصہ وادی کشمیر اور جموں خطو ہے۔ جغرافیائی علاقو 2 لکھ 22 ہزار 2 سو 36 کلو میٹر ہے جھیڑو کہ ملک غو 6 عشریہ 74 فیصد ہے۔ ات غی گُل آبا دی 1 کروڑ 56 لکھ دسی جا ئے اور ات 86 لکھ 92 ہزار 6 سو 46 ووٹر ہیں۔ جن وچوں 44 لکھ 35 ہزار 5 سو 41 مرد ووٹر جد کہ 42 لکھ 56 ہزار 9 سو 46 ووٹر کالسری ہیں۔ جموں کشمیر غی گُل پارلیمانی نشست 5 ہیں، ان وچوں 2 حلقہ جموں مانہہ آویں جد کہ 3 حلقہ صوبہ کشمیر مانہہ ہیں۔ جموں مانہہ جموں اور ادھم پور پارلیمانی حلقہ واقع ہیں۔ جھیڑا کہ 8 ضلعوں وراشٹریہ لوک دل صدر جینت چودھری تے کئی بھارتیہ جنتا پارٹی غا لیڈروں موجود تھیا۔



